

Bulu - Awu Mintilan - Free from Death Scriptures

Rôme 6:23 Amu ma'ane m'abé me ne awu, ve mveane zesé Zambe, ô ne ényiñe ya nnôm éto e be Yésus Krist Nti wongan.

Rôme 8:2 Amu atiñe Nsisim ényiñ e nga vaa ma atiñ abé a awu.

2 Timôté Baa 1:10 é maneya yené éyoñe ji a nsoone nyii wongan Krist Yésus. E nye a nga tyam awu a bo na ényiñ a te wu bi faé amu Mbamba Foé,

Yob 5:2 Amu ñwô'an ôlun wo wôé môt a ne akut, a aban da wôé nsusuk.

Oze 13:14 Ve ma Nti, ye ma yiane vaa bôte bete e biaé bi awu, a kôté be vôme miñwuan? A awu, mengale môé me ne vé? A vôme miñwuan, ngule jôé ya Jian é ne vé? Dise dam é ne ndiman mfa'a éngôngo.

Besam 9:13 Amu a kune metyi me nga kui; a simesane me. A ne te vuane ñyône bingôngole bi bôt.

Yob 6:26 Ye mia kômbô ve nkobô wom bijô a wua minkobô ya môt a ne nte'an e ñyem?

Yob 33:22 nsisime wé wo subu bebé ébé a ényiñ já ja subu bebé be ba ba ve awu.

Ezekiel 37:12,13 Ajô te kulu'u mejô! Wo ye jô be na: Avale di Nti nyô a ne Zambe a jô na: Mi lôô ma kui mesoñe menan, ma bo na mi kôlô mesoñe menan a bôte bam, a ma bulane mia e sii Israél. 13 Mia ye yeme na me ne Nti éyoñe ma ye kui mesoñe menan a bo na mi kôlô mesoñe menan a bôte bam!

Metias 27:52 mesoñ me nga kuibar, menyôle ya abui mimfufup e wuya me nga wômô:

Kalate Metata'a 2:7 Nti, nyô a ne Zambe, a nga kôme môt a mbulu'u ya si; a nga vuñulu nye mfep ényiñ e mimbile mi môé, a môt a nga bo ététáa é vee.

Kalate Metata'a 6:17 A e mfa'a wom, ma ye soo ndôn e si nyô, asu ya jian nsôn ôse ô ne yôbe si ô bili mvebe ényiñ; jôm ése é ne si ja ye jañ.

Kalate Metata'a 7:15 Befia be nsôn ôse ô bili mvebe ényiñ, be nga nyiine ark étê e fefe Noé.

Kalate Metata'a 7:22 Jôm ése é mbe é fô'ôsa'an a mvebe ényiñ e mimbile mi môé e nje é mbe e nkôte si, é nga wu.

Yob 12:10 A bili ényiñe ya jôm ése é vee e wo wé étê, mvebe ya minsône mi môt ase.

Yob 33:4 nsisime Zambe ô nga kôme ma a mvebe Nyô A ne Ngul Ese, wo bo na me nyiñ.

Mimboone Minlôman 17:25 Esaé já é nji sili mo me bôt aval ane nge a yi jôm éziñ. Amu nye a ne mvee ényiñe ya bese, mvebe a jôm ése.

Nlitan Mam 13:15 Ngul é nga veban e be je na, é fô'ô éve'ela tit, é kui vôme ya kobô, a wôé e môt ase a ye bo te kañ éve'ela tit.

Yôanes 10:10 Môt a wub nye a zu fo'o ve na a wup, a wôé a ndaman; mfa'a wome ki me nga so na bôte be bi ényiñ, be bi je abui abui.

Ezayi 28:15 Mia jô na: Bi nga bo élat a awu, bi maneya bo ngbwa a vôme ya miñwuan. Ebubua ja zu, éyoñe ja ye lôt, ja ye bo te nnambe bia, amu bi boyá

na minna mi bo bia vôme ya sobô, a asoé dangan e ne medu'ane si.

Ezayi 28:18 Elat mia b'Awu ja ye tyamban, ngbwa mia be vôme ya miñwuan ja ye man. Ebubua ja zu, éyoñe ja ye lôt, ja ye ko'o mia.

Ezayi 5:24 Ajô te, aval ane nduan ja di'i mimbop, a aval ane bikumba bi fôn bia jañ e nkaba'a nduan étè nalé ate ba ye boé ataté minkañ, a e same jab ja ye yele ane mbuluk, amu be nga bene ñye'elane Nti ya minsamba mewosan, a be nga biasé nkobô Nyô ya Israél a n'étyi.

Yoel 1:12 Ndi'i woon ô maneya kôt befigié ki be maneya jo'olan, bilé bia wum bibuma: begrenadié, bedatié a bepômié be maneya wulan. Avak ese e maneya e bôt étè.

Oze 13:15 Efrayim a kôsa yaé a bo kum ézezañe bobenyañe bé, ve évuñulu ya jôp da tôô ja ye zu, mfebe Nti, ô so'ok e nkôte si, wo ye kôtô anjeñé dé, a vele vôm a labe mendim. Ba ye mane kee akum a biôm bise bi n'édima.

Nlitan Mam 22:1 Ane a nga liti ma ôssôé beveeve mendim, me ngemba'an ane kristal, ô vamek éto njôan Zambe a Mone Ntômba.

Yôanes 4:10 Ane Yésus a nga nyôñe nkobô a jô nye na: Nge wo too yeme éfa'a Zambe a yeme fe môt émien a jô wo na: Nyu'u me mendim, ve ô ye viane ja'aja'é nye, a nye ki a te ye ve wo mendime m'ényiñ.

Yôanes 4:14 Ve nyu ki a ye nyu mendim ma ye ve nye, a ye bo te fe beta wô'ô évé akekui nnôm éto; amu mendim ma ye ve nye, ma ye bo nye anjeñ e nleme wé étè, e nde da kui mendime m'ényiñe ya melu mese.

Minkana 13:14 Nye'elane mfefe'e môt ô n'anjeñé y'ényiñ, mfa'a ya sa'ale melam m'awu.

Minkana 14:27 Nkoone Zambe woñ ô n'anjeñ y'ényiñ mfa'a ya sa'ale melam y'awu.

Ezekiel 13:17-23 Ve wo a mona môt, kôñela'an asu dôé e be bengone y'ayoñe dôé mbe ba kulu mejô be tôñe minleme miabe mibien, a kulu mejô ma wosane be! 18 Wo ye jô na: Avale di Nti nyô a ne Zambe a jô na: Ngo'o binga ba loé bone bibônga asu bikuteboñe bise, a loé biyañese asu minlô mi bôte minté mevale mese, asu ya jeñé binyiñe bi bôt! Ye nalé ate mia ye jeñé binyiñe bi bôte bam, mi mi ba'ale'e ényiñ asu minsime mienane miabebien? 19 Mia samele ma e be bôte bam v'amu doé nlisi a afufuse belet, mi wôék minsism mi nji yiane wu a nyii minsism mi nji yiane nyiñ, éyoñe mia du'u bôte bam ba wô'ô minsos. 20 Ajô te avale di Nti nyô a ne Zambe a jô na: Ma nyô! Ma yaa bone bibônga benan mbe ba volô mia na mi bo nsôme minsism ane wu anon. A ma ye nyabe bie e mo menane yôp; a ma ye vaa minsism mia sômé an'anon. 21 Nalé fe ma ye nyabe biyañese bienan, a ma ye kôté bôte bam e mo menan; ba ye bo te beta volô ane melam e mo menan étè, a mia ye yeme na me ne Nti. 22 Amu mia tu'ulane nleme zôsôa môt a minsos éyoñe mamiene me nji ve nye ôlune nlem, a amu mia ve mo me mbia môte ngu a dibe nye zene na a bo te bulane mvus mbia zene wé a bo na a nyiñ. 23 Mia ye bo te beta yene bemomo miñyenan a mia ye bo te beta bo mvi'i: Ma ye kôté bôte bam e mo menan. A mia ye yeme na me ne Nti.

Yeremia 21:8 Ve mfa'ayoñe bôte di, wo ye jô de na: Avale di Nti a jô na: Ô lôô ma

telé ôsu viôé zen ényiñ a nyô awu.

Yob 34:22 Teke dibi nge nsisiñ y'awu ba ba bo ékotekot be ne nguleya sobô.

Besam 16(15):10 Amu wo ye bo te li'i nsisime wom e vôme miñwuan mi né, wo ye bo te kañese na nyô wo dañe nye'e a yen awu.

Besam 23(22):4 Eyoñe ma wulu mbi'ili dibi awu, me nji ko jôm éziñe woñ, amu ô ne be ma; ôlé viôé a ntume wôé bi ne ngule jam.

Besam 30(29):4 A Nti! ô nga vaa ma vôme miñwuan mi né. Ô boy a me na me nyiñ ôyab a ba ba sis ébé si.

Besam 49(48):16 Ve Zambe a ye kôté nsisime wom étaba'a miñwuan, amu a ye nyoñe ma:

Besam 56(55):14 amu ô kôtéya nsisime wom awu. Ye sake wo ô nga bo mebo mam na me bo te ku mbek, ndemben ma ye wulu asu Zambe, éfufube beveeve été.

Besam 68(67):21 Zambe ate, mfa'a wongan, nye a ne Zambe ya nyian; Zambe Nti, e nye a ne bo na awu e bo te bi bia.

Besam 89(88):49 Môte mbé a ne nyiñ te yen awu, a sa'ale éjôé ya étôtôlan?

Besam 102(101):20,21 Nti a nga vitibi a too vòma étyi wé a ne ôyabe yôp Nti, ataté môp, a nga fombô si, 21 asu ya vô'ôlô ntate mimbôk, a suu ba be nga tyi'iban mejô na ba yian awu.

Besam 116:8 (114-115) Yaa, ô nga wôlé ma, a vaa ma awu été, A Nti, ô nga fimi mili'i mam, ô nga bo na me bo te daa abo da wua ma ébé été.

Minkana 10:2 Akum da so mbia mezen e ne teke mfi ve zôsôa mboone mam a nyii mfa'a y'awu.

Ezayi 26:19 Miñwuane miôé mia ye wômô! Mimbime miam mia ye tebe tetele! Ve'an ayo a fôn a mevak, mia mi too mbulu'u été! Amu mfôô mendim a ne nyô y'efufup, a si ja ye beta ve miñwuan éfufube môs.

Yôanes 5:28,29 Te mia vembe jame te, amu awolo da zu, awolo bôte bese be ne e mesoñ ba ya wô'ô tyiñe gé; 29 bevak, e ba be nga bo mbamba be mam, ba ye wômô a nyoñ ényiñ, e ba be nga bo mbia be mam, ba ye wômô a nyoñe mekua.

Yôanes 10:28 e nde fe ma ve mie ényiñe ya melu mese, teke mi ye'e jañ ajañ ajañ, a teke môt éziñ a ne vaa mie e mo mam a ngu.

Yôanes 11:43,44 Eyoñ a maneya kobô mame ma, ane a nga yôtane tyiñe yôp ngu a jô na: A Lazar, kui atan! 44 Ane môt a nga wu a nga kui atan, mo a mebo nka'an a bibab biyé, ndombo é to nye ñyalan asu. E nde Yésus a nga jô be na: Ti'ane nye biôme nyôl, mi jô'é fe nye a ke.

Yôanes 12:17 E nkunda bôt baa be nye be nga too éyoñ a nga ke loone Lazar a wômôlô nye e miñwuan, ô nga tu'a ñhe kañete de.

Yôanes 17:2 aval ô nga ve nye ngule ya jôô bôte, e nde te bôte bese, ô nga ve nye a ve be ényiñ ya melu mese.

1 Koréñt Ôsu 15:19-26 Nge bi nga telé ndi nleme jangan e be Krist v'amu ényiñe ji étam, bi ne ba be ne éngongo a dañe bôte bese. 20 Teke bebé; Krist a wômôya miñwuan, e mbômô ya ba be wuya. 21 Aval ane awu e nga zu a môte wua, ñwômane miñwuane fe wo so a môte wua: 22 avale bese ba wu e be

Adam, e be Krist, bese ba ye nyoñ ényiñ. 23 Ve môt ase e nsamba wé: ôsusua bembômô Krist, wôna e ba be ne ba be Krist, éyoñ a ye so; 24 wôna asu'ulan da ye so, éyoñ a ye ve Zambe Esaa njôan, éyoñ a maneya tyam éjôé ése, a ngule njôan ése, a éwôlô ése. 25 Amu a yiane jôô, akekui a mane futi besiñe bé bese e mebo méé si. 26 Nsiñ a ye su'ulane bôé a ne awu,

2 Koréñt Baa 1:9,10 Yaa, bi nga nyoñe ntyi'ane y'awu dangan e be bia bebién été. Ajô te, bi mbe te fe ngule ya beta tabe bia bebiene ndi, ve be Zambe, nyô a wômôlô miñwuan. 10 Nye a nga vaa bia aval awu te été, a ye fe beta vaa bia de été; bi futiya ndi minleme jangan e be nye: a ye beta vaa bia de été.

2 Koréñt Baa 3:6 Nye ate a nga ve fe bia ngule ya bo bebo bisaé be mfefé élat, saa ji metiñ, ve ji Nsisim. Amu metiñe ma wôé, ve Nsisim wo nyii.

Kôlôs 1:21,22 A mia, mi nga too beyeñ e melu mvus, ba e mbe bete mbia mimboone miap mi nga dutu ayaa dé, 22 ve éyoñe ji, Zambe a lateya mia amu éwuwa nyôle mone wé, amu awu dé, mfa'a ya bo mia na, mi yené mfuban, a tee bijô a mekua asu dé.

Hébre 2:9 ve bi lôô lôô na: Nyô a nga siliban e si ôyôme nté e be beéngèle, Yésus Krist, a ne njalan a étôtok a duma éyoñe ji, amu mintaé ya awu a nga jibi, a a nga tye'awu mfa'a môt ase.

Hébre 2:14,15 Ajô te, amu bon be bili metyi a minsôn, nye fe avale da, a nga bo ane be, nde a ye tyam nyô a nga bili ngule ya awu, amu awu dé, e ne na, Satan, 15 a kôté, ba e mbe bete, amu woñe ya awu, be nga lôt nté ényiñe wob ôse, éto belo été.

Hébre 11:5 Amu mbunan Enok, a nga nyoñeban e yôp a sa'ale awu, be te fe yene nye, amu Zambe a nga nyoñe nye. A ngenane te nyoñeban e yôp, a nga bili ngaa na, a mbe mvaé e mise me Zambe.

1 Pierre Ôsu 3:18 Yaa, Krist émien a nga jibi mintaé ajô mam abé éyoñe jia ya biyoñe bise, nyô a mbe zôsôô ajô ba be ne ékotekot, nde a ye liti mia e be Zambe. A nga wu e minsône mié été, ve a nga bulan ényiñ a zene ya Nsisim.

2 Pierre Baa 1:3 Ngule Zambe é nga ve bia e mam mese ma yian asu ényiñ a mbunan, e vôm é nga bo na bi yeme nyô a nga loone bia na bi bo benyoñe ngabe ya étôto'o já a e ngule já fô'ôsan.

1 Yôanes Ôsu 3:14 Mfa'a wongan bia yeme na bi kôlô ya awu a kui ényiñ ve nné ane bia nye'e bobejañ. E nyô a ne te nye'e a too awu été.

1 Yôanes Ôsu 5:11 Ngaa ate nye nyô: Zambe a nga ve bia ényiñe ya melu mese, a ényiñ éte é ne be Mone wé.

Nlitan Mam 21:6 A a nga jô me na: E bobaneyá nalé. Me ne Alfa a Oméga, atata'a a susu'a. E môt a wô' évé, ma ye ve nye a nyu anjeñé beveeve mendim e zesé.